

CBETA電子佛典集成

CBETA Chinese Electronic Tripitaka Collection
eBook

T19n0985

佛說大孔雀呪王經

唐 義淨譯

目次

- [編輯說明](#)
- [章節目次](#)
- [卷目次](#)
 - 001.
 - 002
 - 003.
- [贊助資訊](#)

編輯說明

- 本電子書以「CBETA 電子佛典集成 Version 2023. Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 985 [Nos. 982-984]

佛說大孔雀呪王經卷上(前方便法)

唐三藏法師義淨奉 制譯

爾時佛告阿難陀：「若有苾芻苾芻尼、國王大臣、善男子善女人等有所願求，發心歸命摩訶摩瑜利呪王者，應當先作如是啟請命召法式為前方便，然後讀誦，無不遂心。南謨佛陀也。南謨達摩也。南謨僧伽也。南謨過去七佛正遍知者。南謨慈氏菩薩等一切菩薩摩訶薩。南謨獨覺聲聞四果四向。我今敬禮如是聖眾，我當讀誦大孔雀呪王經，諸所求請願皆遂意。又復一切諸天神眾，或居地上或在虛空或住於水，咸聽我言，所謂諸天及龍、阿修羅、摩嚩多、揭路茶、健達婆、緊那羅、莫呼洛伽、藥叉、曷洛剎娑、畢麗多、毘舍遮、步多、俱槃茶、布單那、羯吒布單那、塞建陀、嚩摩陀、車夜、阿波三摩羅、烏悉多[口*洛]迦，及餘所有一切鬼神亦當善聽，所謂食精氣者、食胎者、食血者、食肉者、食脂膏者、食髓者、食支節者、食生者、食命者、食祭者、食氣者、食香者、食鬢者、食花者、食果者、食五穀者、食火燒者、食膿者、食大便者、食小便者、食唾者、食涎者、食洩者、食殘食者、食吐者、食不淨物者、食漏水者，諸如是等有毒害心伺斷他命作無利益者，皆來聽我讀誦此大孔雀呪王經，捨除所有暴惡之念，咸當發起慈悲善心，於佛法僧生清淨信。我今施設香花飲食，願生歡喜，當聽我言。

「怛姪他 柯里割羅里 俱槃雉 商枳儻 劍末羅綺儻 訶利底(丁里反下皆同)訶利雞始 喝哩氷揭麗 濫薛鉢喇濫薛 歌羅波世 羯喇輸達里 琰摩度底琰摩曷[口*洛]剎死 步多揭喇薩儻」

「諸如是等一切天神，咸當受此香花飲食，皆發歡喜心，擁護我某甲(若為國家或為餘人而讀誦者，即須稱說彼人名字，下皆准此)并諸眷屬，於一切時恐怖之處、一切厄難、一切疾病、一切憂惱、一切饑饉獄囚繫縛等處悉得解脫，壽命百歲得見百秋。呪力成就莎訶」

(此一部經須知大例。若是尋常字體傍加口者，即須彈舌道之，但為此方無字故借音耳。自餘唯可依字直說，不得漫為聲勢致失本音。又但是底字，皆作丁里音道，不得依字即喚，便乖梵韻。又讀呪時，聲含長短、字有重輕，看注四聲而讀，終須師授方能愜當。又須粗識字義，呼召始可隨情。若至我某甲處，咸須具述所求之事。然此呪經有大神力、求者皆驗，五天之地、南海十洲及北方土貨羅等二十餘國，無問道俗大乘小乘皆共尊敬，讀誦求請咸蒙福利交報不虛。但為舊經譯文有闕，致使神州不多流布，雖遭厄難讀者尚希。故今綜尋諸部梵本，勸令委的重更詳審譯成三卷，并畫像壇場軌式，利益無邊，傳之永代。)

佛說大孔雀呪王經卷上

如是我聞：

一時薄伽梵在室羅伐城逝多林給孤獨園，與大苾芻眾千二百五十人俱。於此住處有一苾芻名曰莎底，年少出家未久，新受圓具學毘柰耶教，為眾破樵營澡浴事，有大黑蛇從朽木孔忽然而出，螫彼苾芻右足拇指，毒氣遍身悶絕于地，口中煦沫、兩目翻上。爾時具壽阿難陀見彼苾芻形狀如是極受苦痛，即便疾疾往詣佛所，禮雙足已在一面立，而白佛言：「世尊！莎底苾芻受大苦惱，如上具說。如來大悲，云何救療？」作是語已，佛告阿難陀：「汝宜持我所說大孔雀呪王，為莎底苾芻而作擁護攝受覆育，為其結界結地令得安隱，所有痛苦悉得消除，或被刀杖之所侵傷、或為諸毒之所惱害、作不饒益事，或為天、龍、阿蘇羅、摩嚩多、揭路茶、健達婆、緊那羅、莫呼洛伽、藥叉、曷[口*洛]剎娑、畢麗多、畢舍遮、步多、俱槃茶、布單那、羯吒布單那、塞建陀、唵摩柁、車夜、阿波三摩羅、烏悉多[口*洛]迦、諾剎怛羅、黎波為如是等所執錄時，擁護我某甲并諸眷屬。

「復有諸神，食精氣者、食胎者、食血者、食肉者、食脂膏者、食髓者、食支節者、食生者、食命者、食祭者、食氣者、食香者、食鬢者、食華者、食果者、食五穀者、食火燒者、食膿者、食大便者、食小便者、食唾者、食涎者、食洩者、食殘食者、食吐者、食不淨物者、食漏水者此等惱時，皆護我某甲并諸眷屬令離憂苦，受命百歲得見百秋。若復有人作諸蠱魅厭禱呪術、飛行空中，訖栗底、羯摩拏、哥孤唵陀、枳喇拏、鞞多茶、頰陀鞞多茶、質者、畢麗索迦，飲他血髓變人驅役，呼召鬼神造諸惡業，惡食變吐惡影惡視，作惡書符或惡超渡。有如是等諸惡現時，皆護我某甲令離憂苦。又復所有諸驚怖事，王賊水火他兵來怖、遭饑饉怖非時死怖、地震動怖惡獸來怖、惡知識怖、欲死時怖，如是等怖皆護我某甲。又復諸病，疥癩瘡癬、痔瘻癰疽、身皮黑澁、頭痛半痛飲食不銷，眼耳鼻舌口脣牙齒、咽胸背脅腰腹脞膈、手足支節隱密之處、心悶痲癩乾消瘦病，遍身疾苦悉皆除殄。又復瘧病，一日二日三日四日乃至七日半月一月或復頻日，或復片時或常熱病、偏邪癯病鬼神壯熱、風熱痰癢，或總集病，或被鬼持或被諸毒、人及非人之所中害。如是過惡諸病生時，皆護我某甲并諸眷屬。我今為其結界結地，誦持此呪悉令安隱。莎訶。

「并說此頌(頌中汝字，若為自身，應云令我)：『令汝夜安隱，晝日亦復然，於一切時中，諸佛常護念。』」

即說呪曰：

「怛姪他 一峙鼻峙 枳峙呬峙 密峙爾峙 痾滯那滯 伽滯獨伽
滯 喝峙薄具峙 謗蘇必舍只爾 痾噓漢爾 烏噓漢爾 [醫-西

+言]麗迷麗 羯麗底里底里迷麗迷麗點謎點謎 杜謎杜謎 一揷蜜
 揷(貞里反)婢瑟吒(丁甲反)睇 攝鉢麗 毘末麗 毘末麗 忽魯忽
 魯 頰說日棄 哥里哥里莫訶哥里 鉢喇枳唎拏 雞施矩魯矩魯乏
 怖魯孤魯孤魯 呼魯婆 呼魯婆 頰颯磨。覃婆覃婆(上)度覃婆麼
 覃婆瞿羅也薛羅也閉(入)輸閉輸 呬里呬里 蜜里蜜里 底里底
 里 呬里呬里 婢里婢里 主魯主魯 母呼母呼母呼母呼母呼
 (五) 母魯母魯母魯母魯母魯(五) 呼魯呼魯呼魯呼魯呼魯(五) 呼
 呼呼呼呼呼呼呼呼呼呼(十) 婆婆婆婆婆婆婆婆婆婆(十) 闍(去)擺闍
 擺闍擺闍擺闍擺闍擺闍擺闍擺闍擺闍擺闍擺闍(十) 曇摩曇末爾(去下同)答
 跋答鉢爾篋(入)擺篋喇爾鉢者鉢者爾[月*毛]杜避揭膳爾勃里山爾
 颯怖吒(入)爾多鉢爾 波折爾 訶喇爾 哥喇爾 劍鉢爾 末達
 爾 曼池帝計 欻忙羯哩 忙羯哩 奢羯哩 鑠羯哩 鑠羯哩 商
 羯哩 商羯哩 篋(入)喇爾 度麼度末爾 薩度謎瞿羅也 鞞羅也
 鉢利鞞羅也一哩枳死莎訶」

「若讀誦經者，至此處時，隨所願求皆須稱說其事。若大旱時，云
 『願天降雨。』若大澇時，云『願天止雨。』若有兵戈盜賊、疫病
 流行、饑饉惡時，及餘厄難，隨事陳說，一心求請無不遂意。阿難
 陀！又諸龍王名字，當起慈心稱說其名，請求加護。

「持國龍王我慈念， [醫-西+言]羅畔拏常起慈，
 毘盧博叉亦起慈， 黑喬答摩我慈念，
 末尼龍王我慈愍， 婆素枳龍常起慈，
 杖足龍王亦起慈， 滿賢龍王我慈念，
 無熱惱池婆婁拏、 曼陀洛雞得叉迦、
 難陀鄔波難陀龍、 我常於彼興慈意。
 阿難得迦諸龍王、 婆蘇目佉龍王眾，
 阿波羅市亦起慈， 侵波龍王我慈愛。
 大末那斯我慈念， 小末那斯亦起慈，
 阿鉢羅羅哥洛迦、 室羅末尼蒲伽畔、
 達弟(亭里)目佉及末尼、 奔陀利迦苦鉢底、
 割孤得迦及蠡足、 毛綫馬勝二常慈。
 婆雞得迦君鞞羅、 針毛臆行諸龍王，
 頡利沙婆及哥羅、 滿耳車面常慈念。
 孤洛哥龍我慈念， 婆雌弗多蘇難陀、
 [醫-西+言]羅鉢多大龍王， 濫部洛迦我慈愍。
 非人龍王我慈念， 上人龍王亦復然，
 蔑栗祇龍常起慈， 日真隣陀我慈念。
 諸有龍王行地上， 或在水中作依止，

或復常於空裏行， 或有恒依妙高住，
 一首龍王我慈念， 及以二頭亦復然，
 如是乃至有多頭， 此等龍王我慈念。
 或復諸龍無有足， 二足四足諸龍王，
 或復多足龍王身， 皆起慈心相護念。
 此等龍王具威德， 色力豐美有名聞，
 天與修羅共戰時， 有大神通無退怯；
 勿使無足欺輕我， 二足亦莫見侵陵，
 四足多足諸眾生， 常於我身無惱觸。
 諸龍及神我慈愛， 或在地上或居空，
 常令一切諸眾生， 各起慈心相護念。
 復願一切含生類， 所有一切諸大神，
 常見一切善徵祥， 勿覩違情罪惡事。
 我常發起於慈念， 令彼滅除諸惡毒，
 饒益攝受離災厄， 隨在何時常擁護。
 南謨窣覩佛陀也， 南謨窣覩菩大裔，
 南謨窣覩木多也， 南謨窣覩木帶裔，
 南謨窣覩扇多也， 南謨窣覩扇帶裔。
 諸有寂靜人， 能除滅惡法，
 敬禮如是等， 於我常衛護。」

「於一切恐怖、一切惱亂、一切災害、一切疾病、一切變怪、一切惡毒不利益處，悉皆擁護我某甲并諸眷屬，壽命百年(自說已名，說所為事)。」

佛告阿難陀：「於往昔時，雪山南面有孔雀王，名金光明，在彼而住。每於晨朝常讀誦此大孔雀呪王，晝必安隱；暮時讀誦，夜必安隱。呪曰(於此經中但是南謨南謨之字，梵本須然，不得輒改)：

「南謨佛陀也 南謨達摩也 南謨僧伽也 怛姪他 呼呼呼呼呼呼
 (六)那伽麗麗麗單婆麗麗 麗 呼也呼也 毘逝也毘逝也 土蘇(上)
 土蘇 窣魯窣魯 [醫-西+言]邏迷邏(引) 一里迷邏 窣里迷邏
 伊里蜜帝 底里密帝 伊里底里蜜帝 曇薛蘇曇薛 覩窣多 瞿邏
 薛邏 禰鉢邏 毘末邏 一窣里苾窣里 婢窣里 南謨窣覩 佛陀
 喃(去引聲道)質里枳死 瞿杜呬迦 南謨阿羅漢多喃 訶攞馱攞 所
 求願滿 我名某甲并諸眷屬 說所求事(順天兩等) 南謨佛陀喃(引)
 莎訶」

「阿難陀！彼孔雀王曾於一時忘不誦此大孔雀呪王而為擁護，遂與眾多孔雀嫖女從林至林，從山至山而為遊戲，耽姪愛著放逸昏迷，入山穴中以自安處。捕獵怨家伺求其便，遂以鳥羈縛孔雀王。被怨

繫時憶本正念，如前詞句誦大孔雀呪王，於所繫縛自然解脫，眷屬安隱至先住處。」復更說此陀羅尼呪曰：

「南謨佛陀也 南謨達摩也 南謨僧伽也 南謨蘇跋拏 婆薩寫摩 瑜利 曷囉慎若 南謨莫訶 摩瑜利裔 叱地(亭夜反)囉慎若(而裔反) 但姪他 悉睇蘇悉睇 謨折爾木察爾 木帝毘木底 阿末麗毘末麗 涅末麗班達(亭黠)囉 忙揭勵 呬闌若揭鞞 曷喇但娜揭鞞 跋姪囉 蘇跋姪麗 三曼頰跋姪囉薩婆頰他(上) 娑但爾鉢囉摩頰他 娑但爾薩婆捺他娑但爾 薩婆忙揭羅 娑但爾 末捺死摩捺死 莫訶摩捺死 頰步帝頰室步帝 頰卒(子律反)帝頰喇逝 毘喇誓 毘末麗 阿蜜嚩帝 阿末麗 阿末喇爾 跋囉蚶(火甘反)謎跋囉蚶摩 莎(入)麗 哺[口*律]泥(去)哺[口*律]拏 曼奴喇剌 阿蜜嚩頰 僧侍伐爾 室喇跋姪麗 旃姪囉 旃達鉢喇媿 蘇利裔 蘇利耶千帝 鼻多婆裔 蘇伐泥(去)跋囉蚶摩 瞿履(生豉反)跋囉蚶摩樹率帝 薩跋但囉 阿鉢底喝帝 莎訶 南謨薩婆 佛陀喃 莎悉底 我名某甲并諸眷屬 所求願滿常為擁護 壽命百歲得見百秋 忽止輪止 具止母止 莎訶」

「復次阿難陀！往時金光明孔雀王者，勿為異見，即我身是。我今復說大孔雀呪王心呪。」即說呪曰：

「但姪他 一底蜜底 底里蜜底 底里蜜里 蜜底底里 蜜里蜜里 底里底里 蜜麗室里 點弭蘇耽婆耽婆蘇跋者 止里枳死也 頰娜迷峙 南謨佛陀南質栗羯死 班闌多暮麗 伊底訶囉 盧呬多暮麗 耽婆菴婆 矩擻矩捺擻 矩矩捺擻 底擺君杜捺底 我名某甲并諸眷屬所求願滿常為擁護壽命百年 一里蜜里 枳里蜜里 雞里迷里 雞覩暮麗 杜覃薛 蘇達羅迷滯 達利謎三覩伐帝部娑伐帝 部薩羅 部薩羅[醫-西+言]娜 伐薩但洛雞捺羯羅捺羯里 迷佉(入)里末囉詰麗一擻薩折麗 耽薛覩耽薛 頰捺帝(貞勵反)鉢喇捺帝 頰娜捺帝 頰娜謨喝麗 我名某甲并諸眷屬 所求願滿 那(引)囉演泥(去)波囉演泥 喝喇多里 君多里 伊里蜜底 枳里蜜悉底 吉底里蜜底 伊謎悉甸覩 達囉彌囉 曼但羅鉢柁(柁字從木一部皆然) 莎訶」

「阿難陀！此大孔雀呪王心呪，若復有人欲入聚落應存念誦，或至阿蘭若寂靜之處、或在正道或行非道、或入王宮劫賊鬪諍水火怨家及對大眾、或蛇蠍等螫為毒所中、諸有怖畏風熱痰癢、或三集病或四百四病，若一一病生即應念誦。若苦惱至，咸可憶持。何以故？阿難陀！若復有人應合死罪，以罰物得脫；應合被罰，輕杖得脫；應合輕杖，罵而得脫；應合被罵，訶責得脫；應合訶責，戰悚得脫；應合戰悚，自然得脫，一切憂惱悉皆消滅。

「復次阿難陀！復有明呪，汝當受持。」即說呪曰：

「怛姪他 只里弭里 吉里弭里 雞覩暮麗 部薩帝 部娑頡利
爾 部陀泥(去)部陀曷喇爾 雞伐帝 雞伐吒暮麗 伊擻攝伐麗
耽薛耽薛 必梨咩羯麗 痾伐帝 鉢利伐帝 我名某甲并諸眷屬
呪力成就 所求願滿 南謨薄伽伐都 一擻擻迦耶 因達羅 瞿死
迦耶 痾扇泥(去)波扇泥 波散爾矩麗 劫必羅蜜帝 一里蜜帝
南謨薄伽伐都 佛陀也 悉甸 覩謎 我名某甲并諸眷屬呪力成就
莎訶」

「阿難陀！此大孔雀呪王，是諸佛所說，常當受持，自稱已名以求
救護，願相攝受除諸怖畏，刀杖枷鎖如是等苦，皆蒙解脫常逢利
益，不見衰惱壽命百年。阿難陀！我不見有人天魔梵沙門婆羅門一
切世間，若能讀誦此大孔雀呪王，以自擁護求哀攝受，願得安樂結
界結地一心受持者，無有輒來能為惱害。所謂：

「若天天婦天男天女及天父母并諸朋屬；

「若龍龍婦龍男龍女及龍父母并諸朋屬；

「若阿蘇羅及婦男女父母朋屬；

「若摩嘍多及婦男女父母朋屬；

「若揭嚕茶及婦男女父母朋屬；

「若健達婆及婦男女父母朋屬；

「若緊那羅及婦男女父母朋屬；

「若莫呼洛伽及婦男女父母朋屬；

「若藥叉及婦男女父母朋屬；

「若羅刹及婦男女父母朋屬；

「若畢麗多及婦男女父母朋屬；

「若畢舍遮及婦男女父母朋屬；

「若部多及婦男女父母朋屬；

「若俱槃茶及婦男女父母朋屬；

「若布單那及婦男女父母朋屬；

「若揭吒布單那及婦男女父母朋屬；

「若塞建陀及婦男女父母朋屬；

「若唵摩陀及婦男女父母朋屬；

「若車夜及婦男女父母朋屬；

「若阿波三摩羅及婦男女父母朋屬；

「若烏悉多波迦及婦男女父母朋屬。

「如是等天、龍、藥叉及諸神鬼，所有親眷知友朋屬常求人便，伺
覓過失發起惡病。此天龍等雖有惡心，不能為害惱觸於人。何以
故？由常誦持此明呪故。是等天龍及餘神鬼為惱害者，若還本處不
容入眾。若有違此本明神呪越界法者，頭破作七分，猶蘭香藉(梵云

頽杜迦曼折利。頽社迦，蘭香也。曼折利，藉頭也。舊云阿梨樹枝者，既不善本音，復不識其事，故致久迷。然問西方，無阿梨樹也)。

「復次阿難陀！復有明呪，當受持之。」即說呪曰：

「怛姪他 伊里弭里 枳里弭里 堅枳獨帝 目帝蘇目帝 頽荼
(上) 那(引)荼窣那荼 悉甸覩我某甲并諸眷屬(說所求事，願病差等)痾
邏波邏瞿杜呬迦(引)伊里弭里 頻市里迦嗚獨迦嗚[月*乚]獨迦迦達
覩 迦達覩迦 伊里弭里 底里弭里 三曼頽多 訖栗埵 呼魯呼
魯 呬里呬里 弭里弭里 比里比里 枳里枳里 尸利師拏暮鈇
主魯主魯 主魯主魯 折擗折擗 止里止里 主魯主魯 婢擗婢
擗 識企識企一擗婢擗企企企忽豎忽豎忽豎忽豎 忽豎忽豎忽豎
忽豎忽豎忽豎 摩羅(上)摩羅 喝羅(上)喝喇膩 瞻鞞鉢喇瞻鞞 突
瑟吒鉢羅突瑟吒 瞻鞞弭 我名某甲并諸眷屬悉皆擁護令得安隱結
界結地壽命百年成就呪法莎訶」

復說呪曰：

「怛姪他 質室囉 質室囉暮隸 喝麗 喝羅摩麗 發麗 發羅摩
麗 區嚕區嚕區嚕區嚕區嚕區嚕 度嚕區嚕 佉(入)囉(上)伐嚕拏毘
囉毘囉馱馱馱馱痾嚕末嚕 窣嚕窣嚕 滅除諸毒及起惡心者 牙齒
毒根毒飲食中毒 願佛慈光滅除毒害 窣嚕窣鹿雞 跋囉跋洛雞
跋喇雞 毘哩呬哩 滅除諸毒 無一切毒能為侵害」

「七佛諸世尊， 正遍知覺者，
及以聲聞眾， 威光滅諸毒。」

「[醫-酉+言]羅迷羅 伊里迷羅 底里底里迷羅 底訶(上)度訶
婢摩度摩 底羅未體(天里)摩度摩摩窣劍婆 遜婆耽婆 三麼耽
婆 痾滯那滯 底擗君闍那滯 我某甲成就所有事業 於一切時我
常慈念一切眾生 伊里吉四 部薩滯部陀頡利爾 雞伐得(丁格)雞
雞伐得迦 暮麗 一底攝伐囉 耽鞞耽鞞 必利咩羯囉 痾伐智(貞
勵反下同)鉢利伐智 南謨薄伽伐都所求願滿(即可殷勤稱說其事)因達
羅 一底吒也 瞿社呬迦也 苾陵伽里迦也 頽麗怛麗君怛麗頽智
捺智 矩捺智 痾設泥(去)波設泥 波跛尼拘麗 南謨佛陀喃(引)薄
伽伐檐(引)我某甲成就所求願滿莎訶」

「南謨毘鉢尸， 無憂樹下坐；
敬禮尸棄佛， 依止奔陀利；
毘舍浮如來， 住在娑羅樹；
拘留孫馱佛， 尸利沙樹下；
羯諾迦大師， 烏曇跋羅樹；

迦攝波善逝， 依溺窣路陀；
釋迦牟尼佛， 聖種喬答摩，
坐於菩提樹， 證無上正覺。
是等諸世尊， 皆具大威德，
諸天眾於彼， 咸生敬信心。
此等諸天神， 皆生歡喜念，
令我常安隱， 遠離於衰厄。」

「七佛世尊所說呪曰：

「怛姪他 伊里弭里 雞里質里 雞里菩里 烏陀邏 窣杜謨睒
度薩囉(上)呼呼羯闍逝 羯闍逝暮麗 伊掇攝伐多 矩覩里 那囉
演爾 鉢設爾 鉢設鉢設爾 劫必羅婆窣覩 伊里婆 願我成就
達羅弭茶(上)曼怛攞 鉢陀莎訶」

「復次阿難陀！有大藥名呪，是索訶世界主梵天王、天帝釋、四大大天王、二十八種藥叉大將共所宣說。若有男子女人受持如是大藥名時，諸有惡心欲相惱者，令彼惡人頭破作七分猶如蘭香菝。」即說呪曰：

「怛姪他 雞唼底暮麗 [醫-西+言]嘍暮麗 三曼多暮麗 捺茶捺
滯 痾滯那滯 矩捨那滯一帝蜜帝 波嚕 頰囉宅迦 末囉宅迦
伊里吉只里 瞿杜漢那 烏[月*毛]杜磨 頻那薛茶(去)」

「南謨勃陀喃， 大覺諸如來！

汝二足安隱， 四足亦復然。
行路去時安， 還迴得安樂，
於夜常安隱， 晝日亦復然。
恒無觸惱時， 勿逢諸罪惡，
一切日皆善， 眾星並吉祥。
諸佛大威神， 羅漢除眾漏，
以斯真實語， 願我常安樂。」

「阿難陀！若有讀誦呪時作如是語：『此大孔雀呪王，是佛所說。願以神力常擁護我，饒益攝受為作歸依，安隱寂靜無諸災患，刀杖毒藥勿相侵損。我今依法結界結地，除諸憂惱，壽命百歲得見百秋(應知此言通一切處)。』

「復次阿難陀！諸有藥叉及大藥叉王，住大海中，或在妙高山及餘山處，或居曠野，或住江河川瀆陂池、屍林坎窟、村巷四衢、園苑林樹或住餘處，有大藥叉在阿宅迦伐多大王都處。如是等眾咸願以此大孔雀呪王來擁護我某甲并諸眷屬長壽無病。」復說呪曰：

「怛姪他 喝哩訶哩爾 折里遮里爾 跋喇末爾 跋囉(引)末爾
謨漢爾 悉耽跋爾 瞻跋爾鎖閤步 莎訶」

「復次阿難陀！於此東方有大天王名曰持國，是健達婆主，以無量百千健達婆而為眷屬，守護東方，彼有子孫兄弟軍將大臣雜使。如是眾等彼亦以大孔雀呪王來擁護我某甲并諸眷屬，為除憂惱，壽命百歲得見百秋。」

「怛姪他 樹樹嚕 樹樹嚕 樹樹嚕 樹樹嚕 樹嚕樹嚕樹嚕 謎莎訶」

「復次阿難陀！於此南方有大天王名曰增長，是俱槃荼主，以無量百千俱槃荼而為眷屬，守護南方，彼有子孫兄弟軍將大臣雜使。如是等眾彼亦以大孔雀呪王來擁護我某甲并諸眷屬，為除憂惱，壽命百歲得見百秋。」

「怛姪他 鞞六雞鞞六雞頰蜜怛囉 伽怛爾 跋嚕拏鉢底 薛怒摩利爾薛里爾 補室哩雞 朱主質主 莎訶」

「復次阿難陀！於此西方有大天王名曰廣目，是那伽主，以無量百千諸龍而為眷屬，守護西方，彼有子孫兄弟軍將大臣雜使。如是等眾彼亦以此大孔雀呪王來擁護我某甲并諸眷屬，為除憂惱，壽命百歲得見百秋。」

「怛姪他 鞞杜哩鞞杜哩 鞞杜唎鞞杜唎 末擻帝末擻帝 孤擻孤擻 苾杜(亭愈反)末底 苾杜 末底 呼(上)呼呼呼呼呼呼呼 乎(八) 嚕乎嚕乎嚕乎嚕乎嚕乎嚕乎嚕乎嚕乎嚕(八) 主主主主主主主主(八) 者者者者者者者者 樹莎訶」

「復次阿難陀！於此北方有大天王名曰薛室羅末拏，是藥叉主，以無量百千藥叉而為眷屬，守護北方，彼有子孫兄弟軍將大臣雜使。如是等眾彼亦以此大孔雀呪王來擁護我某甲并諸眷屬，為除憂惱，壽命百歲得見百秋。」

「怛姪他 蘇哩蘇哩 室哩室哩末底 呬哩呬哩末底 吉哩哩呬哩哩 算魯算魯氷揭麗 主魯主魯 槃杜末底 喝檐婢鈿 槃杜末底 莎訶」

「東方持國天， 南方號增長，
西方名廣目， 北方多聞天，
此四天大王， 護世有名稱，
四方常擁衛， 大軍具威德。
外怨悉降伏， 不被他所欺，
神力有光明， 常無諸恐怖。
天與阿蘇羅， 有時共鬪戰，
此等亦相助， 令天勝安隱。」

如是諸天眾， 亦以此呪王，
護我并眷屬， 無病壽百歲。」

「怛姪他 [醫-西+言]麗迷麗 呬麗呬麗 底(丁里反)麗 密麗 室
麗婆世 曇薛杜曇薛」

「若為旱澇非時失度，及諸病苦兵戈疾疫，所有願求，讀至此處皆
須隨意稱說其事。」

「呬里弭里 耽薛覩耽薛 頰智(貞勵下同)伐智鉢喇麼杜伐智 願所
求事成 頰宅迦畔多也 安滯難滯 敦滯覩敦滯 祝計主祝計僕計
僕計日計 一哩雉弭哩雉爾 爾雉爾 畢哩雉雉呬呬 呬里呬里
忽魯忽魯 呬弭里底麗 怛怛麗 莎訶」

「
天阿蘇羅藥叉等， 來聽法者應至心，
擁護佛法使長存， 各各勤行世尊教。
諸有聽徒來至此， 或在地上或居空，
常於人世起慈心， 日夜自身依法住。
願諸世界常安隱， 無邊福智益群生，
所有罪業並消除， 遠離眾苦歸圓寂。
恒用戒香塗瑩體， 常持定服以資身，
菩提妙花遍莊嚴， 隨所住處常安樂。」

佛說大孔雀呪王經卷上

「復次阿難陀！汝當受持所有諸大藥叉軍主名字差別，如是應知。
所謂：

「俱鞞羅長子， 名曰珊逝耶， 常乘御於人，
住弭癡羅國， 多有諸人眾， 來從乞實語。」

「彼亦以此大孔雀呪王來擁護我某甲說所求事并諸眷屬，為除憂
惱，壽命百歲得見百秋。」

「怛姪他 跋麗跋割麗 摩登祇旃茶里 補嚕山爾 毘只里爾 瞿
哩健陀哩 旃茶里摩登祇(上)摩里爾 呬里弭里 痾揭多揭底 健
陀哩 孤瑟恥 迦跋哩毘訶爾 呬里呬里 劍閉莎訶」

「俱留孫馱神， 住波吒梨子；
阿鉢羅市多， 在翠吐奴邑；
世羅藥叉主， 住於賢善城；
摩納婆大神， 常居於北界；
大神金剛手， 住於王舍城，
常在鷲峯山， 以為依止處。
揭路茶藥叉， 住在毘富羅；
質多羅岌多， 止底目佉處；
薄俱羅藥叉， 住在王城內；
哥羅小哥羅， 住劫比羅城，
此藥叉守護， 牟尼所生處，
謂釋迦大師， 具足神通力。
藥叉班豆足， 住在鞞囉耶；
大自在藥叉， 咨羅吒處住；
苾利訶鉢底， 住在室羅伐；
藥叉娑揭羅， 依止娑雞覩；
藥叉金剛杵， 住在薛舍離；
訶利水揭羅， 住在力士國；
大黑藥叉王， 婆羅痾斯住；
藥叉名善現， 住在占波城；
藥叉跋率怒， 住在婆洛迦；
陀羅尼藥叉， 住在護門國；

可畏形藥叉，	住在赤銅邑；
末達那藥叉，	烏洛伽依止；
曠野藥叉王，	住在曠野國；
劫比羅藥叉，	依止多財國；
護世大藥叉，	嚙逝尼國住；
跋蘇步弭神，	曷喇曼低國；
跋洛迦藥叉，	跋盧羯車國；
歡喜藥叉神，	住在歡喜國；
持鬘藥叉神，	住在勝水國；
阿難陀藥叉，	末羅鉢鉢知；
白牙齒藥叉，	住在勝妙處；
堅固名藥叉，	住在阿梨底；
大山藥叉主，	住在山城處；
婆颯婆藥叉，	住在鞞地世；
迦唎雞藥叉，	住嚕呬得國；
童子藥叉神，	住在名稱國；
百臂大藥叉，	住在頻陀山；
廣車藥叉主，	羯陵伽國住；
能征戰藥叉，	罕鹿近那國；
遏樹那藥叉，	住在雄猛國；
曼荼布藥叉，	住末達泥國；
山峯藥叉神，	住在摩獵婆；
曷嚕達羅神，	曷嚕達羅國；
一切賢善神，	住在奢羯智；
波離得迦神，	燒智洛迦住；
商主及豐財，	皆在難勝國；
峯牙及世賢，	跋娑底耶國；
尸婆藥叉主，	住食尸婆城；
寂靜賢藥叉，	住在可畏國；
因陀羅藥叉，	住因陀羅國；
華幢藥叉主，	住在寂靜城；
陀六迦藥叉，	陀六迦城住；
頭黃色藥叉，	住在跋怒國；
寶賢及滿賢，	住梵摩伐底；
降伏他藥叉，	住在健陀羅；
能摧他藥叉，	得叉尸羅住；
竭羅晡罕妬，	住掣陀世羅；
三護三藥叉，	阿怒波河岸；

發光明藥叉， 盧鹿迦城住；
 難提跋達那， 共住難提國；
 婆以盧藥叉， 住居婆以地；
 愛鬪諍藥叉， 住在濫波國；
 揭沓婆藥叉， 末度羅國住；
 瓶腹藥叉主， 住在楞迦城；
 日光明藥叉， 住在蘇那國；
 平頭山藥叉， 住在憍薩羅；
 勝及大勝神， 住在般陀國；
 晡[口*律]拏藥叉， 末羅耶山住；
 緊那羅藥叉， 住在雞羅國；
 護雲藥叉主， 住在般茶國；
 褰達迦藥叉， 鉢底瑟侘住；
 僧歌羅藥叉， 住必登揭里；
 能引樂藥叉， 住在大波國；
 藥叉孫陀羅， 在那私迦住；
 阿僧伽藥叉， 婆嚧羯車住；
 卑多難提神， 住在難提國；
 鼻羅藥叉王， 割羅訶雞住；
 大復藥叉神， 羯陵伽國住；
 大臂藥叉神， 住在憍薩羅；
 莎悉底迦神， 莎底羯吒國；
 波洛迦藥叉， 常在林中住；
 賢耳大藥叉， 住塞建陀國；
 受財藥叉神， 住在常滿國；
 有力藥叉神， 鞞羅莫迦國；
 喜見藥叉神， 住阿難底國；
 尸褰治藥叉， 住在牛喜國；
 受合掌藥叉， 住在方維處；
 陞瑟擻得迦， 住在蓋形國；
 莫羯嚩談麼， 住在三層國；
 廣目藥叉神， 住在一腋國；
 食安茶藥叉， 烏曇跋羅住；
 無相分藥叉， 住憍閃毘國；
 鞞盧折那神， 住在寂靜意；
 作樂藥叉神， 住在蛇蓋北；
 黃色藥叉神， 劍必洛迦住；
 薄俱羅藥叉， 嗚逝訶那住；

晡[口*律]拏藥叉， 住在曼宅婢；
 泥迦迷沙神， 於般遮羅住；
 鉢喇薩菩神， 住揭杜娑國；
 堅只藥叉神， 住在婆嚩拏；
 晡闍逝也神， 住在搖陀國。
 怛洛迦大神， 及矩怛洛迦，
 二藥叉王住， 骨鹿差怛羅。
 有二藥叉女， 皆具大名稱，
 大烏盧佉羅， 及以迷渴羅，
 亦常居住此， 骨鹿差怛羅。
 婢底波底神， 及成就眾事，
 此二藥叉神， 住在阿曳底。
 悉陀耶怛羅， 住翠鹿近那；
 翠吐那藥叉， 住翠吐那國；
 師子方彪力， 俱知勃里涉；
 莫訶西那神， 晡闍逝也國；
 華齒藥叉神， 住在占波國；
 摩竭陀藥叉， 住在山行處；
 鉢跋多藥叉， 住在瞿瑜伽；
 蘇師奴藥叉， 於那揭羅住；
 毘羅婆虎神， 住在娑雞多；
 能引樂藥叉， 住在哥羯底；
 無勞倦藥叉， 住在憍閃毘；
 賢善藥叉神， 住於賢善國；
 步多面藥叉， 住波吒離國；
 無憂藥叉神， 住在迦尸國；
 羯丁(都更)羯吒神， 菴婆瑟侘住；
 成就義藥叉， [醫-西+言]迦羯車住；
 歡喜藥叉神， 住在難勝國；
 芒髮藥叉神， 住在勝水國；
 寶林藥叉神， 住先陀婆國；
 常謹護藥叉， 劫比羅國住；
 多形相藥叉， 住在健陀國；
 突路婆藥叉， 住在杜和羅；
 處中藥叉神， 住在賢善國；
 大名稱藥叉， 住陸度利也；
 鞞刺吒藥叉， 住在婆羅城；
 瞻薄迦藥叉， 住在末嚕地。

頻隣陀羯吒， 及以毘羯吒，
鞞摩尼迦神， 住在陞摩尼。
提婆設麼神， 住達刺陀國；
曼陀羅作光， 羯濕彌羅國；
占博迦藥叉， 住在羯吒城。
半支迦女神， 羯濕彌羅際，
現有五百子， 大軍有大力，
長子名肩目， 住羯陵伽國，
及餘諸兄弟， 住在憍尸迦。
牙足藥叉神， 住羯陵伽國；
曼荼羅藥叉， 住曼荼羅處；
楞迦自在神， 住在迦畢試；
摩利支藥叉， 住曼囉麼林；
達摩波羅神， 住在於疎勒；
大肩藥叉神， 住薄渴羅國。
毘沙門王子， 具眾德名為，
勝頡里沙婆， 有一億藥叉，
而為其眷屬， 住在覩火羅。
娑多山藥叉， 及以雪山神，
此二大藥叉， 住在信度國。
執三股叉神， 住在三層殿；
能摧大藥叉， 亦住羯陵伽；
半者羅健荼， 住達彌羅國；
財自在藥叉， 住在私訶羅；
鸚鵡面藥叉， 住在曠野處；
經羯娑藥叉， 住在波多羅；
有光明藥叉， 住在分陀利；
設弭羅藥叉， 住在大城中；
能破他藥叉， 住在達羅陀；
水伽羅大神， 住在菴跋離；
跋跋荼藥叉， 住跋跋荼國；
度怛里藥叉， 住在迦末睇；
妙覺藥叉神， 布底伐低國；
捺羅俱跋羅， 住在迦畢試；
波囉設囉神， 住波羅毘國；
商羯羅藥叉， 住在鑠迦處；
鞞摩質怛羅， 跋臘鞞國住；
滿面藥叉神， 分荼跋達那；

羯羅羅藥叉， 住在烏長國；
 瓮腹藥叉神， 孤訶羅國住；
 摩竭旃藥叉， 住居沙磧處；
 質怛羅西那， 住僕迦那國；
 曷羅伐那神， 住在曷末梯；
 黃赤色藥叉， 住曷羅歧國；
 樂見藥叉神， 住在鉢尼耶。
 金毘羅藥叉， 住在王舍城，
 常居毘富羅， 具足大神力，
 萬億藥叉神， 而為其眷屬。
 瞿波羅藥叉， 住在蛇蓋國；
 頰樂迦藥叉， 住頰樂迦城；
 難提藥叉神， 住在難提國；
 跋里悉體多， 住在村聲國。
 毘沙門藥叉， 從天下處住，
 河宅畔多城， 億神為眷屬。
 如是等藥叉， 有大軍大力，
 降伏他怨敵， 無有能勝者，
 神通光明具， 名稱滿諸方，
 天及阿蘇羅， 戰時相助力。」

「此等諸神亦皆以此大孔雀呪王常擁護我、攝受饒益我，令得安隱，所有病苦皆悉消除，或被刀杖之所侵傷、或為諸毒王賊水火之所惱害、或為天龍所持、神主藥叉及諸鬼等乃至畢梨索迦及行惡病者，令我解脫。此等福德藥叉神主，遍瞻部洲護持佛法，咸起慈心衛護於我。我今結界結地，離諸災惱，壽命百歲得見百秋。」即說呪曰：

「怛姪他 阿羯智(貞勵反)毘羯智 喝哩儂 訶哩儂 達唎儂 陀唎儂 呼(入) 計呼計僕計僕計」

「我某甲所有病苦。

「訶娜訶娜(十遍)」

「我某甲所有恐怖。

「鐸訶鐸訶(十遍)」

「我某甲所有怨家。

「鉢者鉢者(十遍)」

「我某甲所有不饒益事。

「杜杜杜杜(十遍)」

「我某甲所遭毒藥。

「訶訶(十遍)

「我某甲所有他人厭禱事。

「氏擻氏擻(十遍)」

「我某甲所有罪業皆願消滅。

「主魯主魯(十遍)」

「呬里呬里(十遍)」

「弭里弭里(十遍)」

「弭呬弭呬(十遍)」

「普嚕普嚕(十遍)止擻止擻(十遍)呬計弭計 祝計僕計 室利跋姪
麗 忙揭勵三曼多 跋姪囉 呬闍喏揭鞞 薩婆頰他娑憚 爾阿末
囉 毘末麗 旃達羅鉢喇儂 蘇利耶建帝 突婢慎爾裔 曇鞞杜曇
鞞 畢梨咩羯囉」

「常擁護我某甲并諸眷屬，壽命百歲得見百秋。」

佛告阿難陀：「汝當受持二十八藥叉大將，所有名號皆應稱說。此等能於十方世界覆護一切眾生，為除衰患厄難之事。有四藥叉大將住在東面，擁護東方所有眾生令離憂苦。其名曰：

「地嚩伽(長大)蘇泥怛攞(妙目)晡[口*律]拏(圓滿)劫畢羅(黃色)

「彼亦以此大孔雀呪王擁護我某甲并諸眷屬，壽命百年(說所求事)。」

「阿難陀！有四藥叉大將住在南面，擁護南方所有眾生令離憂苦。其名曰：

「僧訶(胥陵師子)鄔波僧訶(小師子)商企羅(螺)旃憚那(梅檀)

「彼亦以此大孔雀呪王擁護我某甲并諸眷屬壽命百年。」

「阿難陀！有四藥叉大將住在西面，擁護西方所有眾生令離憂苦。其名曰：

「喝里(師子)喝里雞舍(師子髮)鉢喇部(自在)水伽羅(青色)

「彼亦以此大孔雀呪王擁護我某甲并諸眷屬壽命百年。」

「阿難陀！有四藥叉大將住在北面，擁護北方所有眾生令離憂苦。其名曰：

「達喇拏(能持)達喇難陀(持喜)唵獨(亭喻)伽(勇進)波羅(勒護)吠率怒(天名)

「彼亦以此大孔雀呪王擁護我某甲并諸眷屬壽命百年。」

「阿難陀！有四藥叉大將各住四維，擁護四維所有眾生令離憂苦。其名曰：

「半支迦(有五)般遮羅健荼(五處)娑多祇利(平山)醯摩跋多(雪山)

「彼亦以此大孔雀呪王擁護我某甲并諸眷屬壽命百年。」

「阿難陀！有四藥叉大將住在地上，擁護所有地居眾生令離憂苦。其名曰：

「部摩(地)蘇部摩(妙地)哥羅(里)鄔波哥羅(小黑)

「彼亦以此大孔雀呪王擁護我某甲并諸眷屬壽命百年。」

「阿難陀！有四藥叉大將住在空中，擁護所有空居眾生令離憂苦。其名曰：

「蘇利耶(日神)蘇摩(月神)惡祁尼(火神)婆庾(風神)

「彼亦以此大孔雀呪王擁護我某甲并諸眷屬壽命百年。」

「復次阿難陀！汝復受持薛室羅末拏天王并諸兄弟軍將名號，此常守護諸眾生類，為除災患一切憂苦，遊行世間作大利益。其名曰：

「因達羅(帝釋) 蘇麼(月) 跋婁拏(龍) 鉢喇闍鉢底(世主) 頗羅墮社(姓)伊舍那(自在天) 梅憚那(香) 迦摩施瑟佉(欲勝) 俱憫建佉(鈴咽) 尼建佉迦(天咽) 跋雉末憫(力珠) 摩尼折囉(寶行) 鉢囉拏柁(大聲) 鄔波半止迦(小五) 莎多祇利(平山) 醯摩跋多(雪山) 晡[口*律]拏(圓滿) 渴地洛迦(樹名) 苾吒瞿波羅(護兒) 阿吒薄迦(林野) 捺囉曷囉闍(人王) 市那頡里沙婆(人勝) 半遮羅健茶(五處) 蘇目可(善面) 地嚩伽(長) 質怛羅西那(巧軍) 健達婆(樂神) 室里發里(三果) 室里健持迦(三刺) 地嚩伽鑠底(長樂) 摩怛里(母)

「此大藥叉是大軍主，統領諸神，有大神力、具大光明，形色圓滿名稱周遍，是薛室羅末拏天王兄弟。常勅此等藥叉神曰：『彼某甲藥叉時惱亂我，汝勿放捨。』諸神聞已依教奉行。此諸藥叉亦以大孔雀呪王守護於我并諸眷屬壽命百年。若有鬪諍觸惱之事現在前時，願藥叉神常攝衛我某甲令離憂感。或為天、龍、阿蘇羅、摩嚩多、揭路茶、健達婆、緊那羅、莫呼洛伽、藥叉所執，遏洛剎娑、畢麗多、畢舍遮、步多所執，俱槃茶、布單那、羯吒布單那、塞建陀、嚩摩柁、車夜、阿夜三摩羅、烏悉多[口*洛]迦、諾剎怛羅、梨波為如是等所執錄時，擁護我某甲并諸眷屬。復有諸神，食精氣者、食胎者、食血者、食肉者、食脂膏者、食髓者、食支節者、食生者、食命者、食祭者、食氣者、食香者、食鬢者、食花者、食果者、食五穀者、食火燒者、食膿者、食大便者、食小便者、食唾者、食涎者、食涕者、食殘食者、食吐者食不淨物者、食漏水者，被如是等諸惡鬼神所惱亂時，此孔雀呪王皆擁護我某甲并諸眷屬，令離憂苦，壽命百歲得見百秋，常受安樂。若復有人作諸蠱魅厭禱呪術飛行空中，訖栗底、羯摩拏、哥孤、嚩柁、枳刺拏、鞞多茶、頰柁鞞多茶、質者、畢麗索迦，飲他血髓變人驅使，呼召鬼神造諸惡業，惡食變吐惡影惡視，作惡書符或惡超度。有如是等諸惡現時，皆護我某甲令離憂苦。又復所有諸驚怖事，王賊水火他兵來怖、遭饑饉怖、非時死怖、地震動怖、惡獸來怖、惡知識怖、欲死時怖，如是等怖皆護我某甲。又復諸病，疥癩瘡癬、痔漏癰疽、身皮黑澁、頭痛半痛、飲食不消、眼耳鼻舌口脣牙齒、咽胸背脅腰腹

髀喘、手足支節隱密之處、心悶痲癩乾消瘦病，遍身疾苦悉皆除殄。又復瘧病，一日二日三日四日，乃至七日半月一月，或復頻日、或復片時、或常熱病，偏邪癯病鬼神壯熱、風熱痰癢或總集病、或被鬼持或被諸毒、人及非人之所中害，如是過惡諸病生時，皆護我某甲并諸眷屬。我今為其結界結地，誦持此呪悉令安隱。莎訶。并說此頌：

「令汝夜安隱， 晝日亦復然，
於一切時中， 諸佛常護念。」

「復次阿難陀！復有十二大鬼神女，於大菩薩創入胎時、初誕生時及生已後，此等諸神常為守護。其名曰：

「濫婆 毘濫婆 鉢喇濫婆 烏濫婆 訶利底 訶里計始 訶利冰揭羅 哥利 羯羅利 甘部近利婆 哥至 割羅輸達利

「此等神女有大神力、具大光明，形色圓滿名稱周遍，天阿蘇羅共戰之時現大威力。彼亦以此大孔雀呪王守護我某甲并諸眷屬壽命百年。呪曰(下有九呪悉皆相似)：

「怛姪他 喝囉渴囉 區囉末麗 弭麗母麗 末但底末帝 曼雉底計 呼魯呼魯呼嚕呼嚕呼嚕呼嚕呼嚕迷雉迷雉揭邏迷雉 悉地悉地悉地我某甲并諸眷屬莎訶 酸(入)悉底我某甲并諸眷屬莎訶」

「阿難陀！復有八大女鬼，於大菩薩創入胎時、初誕生時及生已後，此等諸神常為守護。其名曰：

「末挖(引)末達那(引)末底嗚羯吒 鄔波末挖邊(入)黎底(丁利)烏杜訶利膩 頰設膩 揭喇散膩

「此等鬼女有大神力、具大光明，形色圓滿名稱周遍，天阿蘇羅共戰之時現大威力。彼亦以此大孔雀呪王守護我某甲并諸眷屬壽命百年。呪曰：

「怛姪他 喝囉渴囉 區麗末麗 弭麗母麗 末但底末帝曼雉底計 呼魯呼魯呼魯呼魯呼魯呼魯呼魯呼魯 迷雉迷雉 揭邏迷雉 悉地悉地 悉地悉地我某甲并諸眷屬莎訶 酸(入)悉底我某甲并諸眷屬莎訶」

「阿難陀！復有七大女鬼，於大菩薩創入胎時、初誕生時及生已後，此等諸神常為守護。其名曰：

「惡窶路地迦 曷路剎帝迦 質怛羅畢舍止迦 晡[口*律]拏跋姪哩迦 惡祇爾遏路綺底迦 蜜怛羅迦利迦 頡利使曷[口*洛]綺底迦

「此等鬼女有大神力、具大光明，形色圓滿名稱周遍，天阿蘇羅共戰之時現大威力，常噉血肉惱觸於人。彼亦以此大孔雀呪王守護我某甲并諸眷屬壽命百年。呪曰：

「怛姪他 喝囉渴囉 區囉末麗 弭麗母麗 末但底末帝 曼雉底計 呼嚕呼嚕呼嚕呼嚕呼嚕呼嚕呼嚕呼嚕呼嚕 迷雉迷雉 揭囉迷雉 悉地悉地 悉地悉地 我某甲并諸眷屬莎訶 酸(入)悉底 我某甲并諸眷屬莎訶」

「阿難陀！復有五大女鬼，於大菩薩創入胎時、初誕生時及生已後，此等諸神常為守護。其名曰：

「君佗(引) 儼君佗難馱(去) 婢率怒邏劫畢邏

「此等鬼女有大神力、具大光明，形色圓滿名稱周遍，天阿蘇羅共戰之時現大威力。彼亦以此大孔雀呪王守護我某甲并諸眷屬壽命百年。呪曰：

「怛姪他 喝囉渴麗 區囉末麗 弭麗母麗 末但底末帝 曼雉底計 呼嚕呼嚕呼嚕呼嚕呼魯呼魯呼魯呼魯 迷雉迷雉 揭囉迷雉 悉地悉地悉地悉地 我某甲并諸眷屬莎訶 酸(入)悉底 我某甲諸眷屬莎訶」

「阿難陀！復有八大羅刹女，於大菩薩創入胎時、初誕生時及生已後，此等諸神常為衛護。其名曰：

「謨訶(引) 蘇四磨矩舍惡器 雞施膩 甘菡侍 蘇蜜怛羅 盧呬多惡器 迦折邏

「此等羅刹女有大神力、具大光明，形色圓滿名稱周遍，天阿蘇羅共戰之時現大威力。常取男女童男童女血肉充食，入新產家及空宅處隨光而行，喚人名字飲人精氣，甚可怖畏驚恐於人無慈忍心。彼亦以此大孔雀呪王守護我某甲并諸眷屬壽命百年。呪曰：

「怛姪他 喝囉渴囉 區囉末麗 弭麗母麗 末但底末帝 曼雉底計 呼魯呼魯呼魯呼魯呼魯呼魯呼魯呼魯 迷雉迷雉 揭囉迷雉 悉地悉地悉地悉地 我某甲并諸眷屬莎訶 酸(入)悉底 我某甲并諸眷屬莎訶」

「阿難陀！復有十大羅刹女，於大菩薩創入胎時、初誕時生及生已後，此等諸神常為衛護。其名曰：

「訶利底羅刹女 難陀羅刹女 氷揭羅羅刹女 商企儼羅刹女 哥夷迦羅刹女 提婆蜜怛羅羅刹女 君多羅刹女 槲牙羅刹女 藍毘迦羅刹女 頰捺羅羅刹女

「此等羅刹女有大神力、具大光明，形色圓滿名稱周遍，天阿蘇羅共鬪戰時現大威力。彼亦以此大孔雀呪王守護我某甲并諸眷屬壽命百年。呪曰：

「怛姪他 喝囉渴麗 區囉末麗 弭麗母麗 末但底末帝 曼雉底
計 呼魯呼魯呼魯呼魯呼魯呼魯呼魯呼魯 迷雉迷雉 揭邏迷雉
悉地悉地 悉地悉地 我某甲并諸眷屬莎訶 酸(入)悉底 我某甲
并諸眷屬莎訶」

「阿難陀！復有十二大羅剎女，此亦如前於下生菩薩常為衛護。其名曰：

「無主羅剎女 大海羅剎女 毒害羅剎女 斷他命羅剎女 明智羅
剎女 持弓羅剎女 持箭羅剎女 持犁羅剎女 持刀羅剎女 持輪
羅剎女 圍輪羅剎女 可畏羅剎女

「此等羅剎女有大神力、具大光明，形色圓滿名稱周遍，天阿蘇羅
共鬪戰時現大威力。彼亦以此大孔雀呪王守護我某甲并諸眷屬壽命
百年。呪曰：

「怛姪他 喝囉渴囉 區囉末麗 弭麗母麗 末但底末帝 曼雉底
計 呼魯呼魯呼魯呼魯呼魯呼魯呼魯呼魯 迷雉迷雉 揭邏迷雉
悉地悉地悉地悉地 我某甲并諸眷屬莎訶 酸(入)悉底 我某甲并
諸眷屬莎訶」

「阿難陀！復有十二鬼母，於諸有情常為觸惱驚怖欺誑，此亦如前
於下生菩薩常為衛護。其名曰：

「跋邏寐 曷嘍姪唎 高摩利 鞞瑟納鼻 燕涅囉 婆羅呬 高鞞
唎 婆嘍膩 耶彌也 婆葉鼻 阿祇膩異 莫訶哥利

「此等鬼母亦以此大孔雀呪王守護我某甲并諸眷屬壽命百年。呪
曰：

「怛姪他 喝囉渴囉 區囉末麗 弭麗母麗 末但底末帝 曼雉底
計 呼魯呼魯呼魯呼魯呼魯呼魯呼魯呼魯 迷雉迷雉 揭邏迷雉
悉地悉地悉地悉地 我某甲并諸眷屬莎訶 酸(入)悉底 我某甲并
諸眷屬莎訶」

「阿難陀！復有一大畢舍旨 名曰一髻，是大羅剎婦，住大海邊，聞
血氣香，於一夜中行八萬踰繕那，此亦如前於下生菩薩常為衛護。
彼亦以此大孔雀呪王守護我某甲并諸眷屬壽命百年。呪曰：

「怛姪他 喝囉渴囉 區囉末麗 弭麗母麗 末但底末帝 曼雉底
計 呼魯呼魯呼魯呼魯呼魯呼魯呼魯呼魯 迷雉迷雉 揭邏迷雉
悉地悉地悉地悉地 我某甲并諸眷屬莎訶 酸(入)悉底 我某甲并
諸眷屬莎訶」

「阿難陀！復有七十二大羅剎女，其名曰：

「劫畢羅羅剎女 鉢豆磨羅剎女 莫呬史羅剎女 謨利迦羅剎女
那利迦羅剎女 篤(入)刺爾(去)羅剎女 羯刺施羅剎女 毘末羅羅剎
女 達刺爾(去音下同)羅剎女 訶利旃達羅剎女 胡盧呬爾羅剎女
末唎支羅剎女 呼多扇爾羅剎女 婆嘍爾羅剎女 哥利羅剎女 高

渾折羅剎女 跋羅羅剎女 揭刺散爾羅剎女 羯囉智羅剎女 氷揭
邏羅剎女 末登祇羅剎女 頻度囉羅剎女 瞿利羅剎女 健陀利羅
剎女 俱槃值羅剎女 迦楞祇(去)羅剎女 曷羅末羅剎女 末達爾
羅剎女 頰扇爾羅剎女 食胎羅剎女 食血羅剎女 憚妬邏羅剎
女 驚怖羅剎女 跋刺寐羅剎女 怛茶笈波利羅剎女 執金剛羅剎
女 肩持羅剎女 答磨羅剎女 行雨羅剎女 震雷羅剎女 開發羅
剎女 擊電羅剎女 足行羅剎女 鳩鷓口羅剎女 持地羅剎女 黑
夜羅剎女 鬼王使羅剎女 菴末羅剎女 蘇跋邏羅剎女 高髻羅剎
女 百頭羅剎女 百臂羅剎女 百日羅剎女 常害羅剎女 摧破羅
剎女 末折唎羅剎女 跋折羅羅剎女 夜行羅剎女 晝行羅剎女
愛莊羅剎女 羯唎炭那(去音)羅剎女 輕欺羅剎女 持斧鉞羅剎
女 持三叉羅剎女 牙出羅剎女 意喜羅剎女 蘇磨羅剎女 旃茶
(去)羅剎女 憚多羅剎女 呬林婆(去)羅剎女 尼邏羅剎女 質怛邏
羅剎女

「此等七十二諸羅剎女如前神力，彼亦以此大孔雀呪王守護我某甲
并諸眷屬壽命百年。呪曰：

「怛姪他 呬里呬里 弭里弭里 怛茶答伐 滯薄計薄計 呼嚨呼
嚨 達囉達囉 歇攞歇攞 折攞折羅 主魯主魯 莎訶」

「南謨薩婆佛陀南(去音引)莎訶 般唎羝迦佛陀南莎訶 阿羅漢多南
莎訶 慈氏菩薩莎訶 一切菩薩眾莎訶 不還果莎訶 一來果莎
訶 預流果莎訶 諸正行者莎訶 向正行者莎訶 大梵王莎訶 因
陀羅莎訶 小因陀羅莎訶 大世主莎訶 伊商那也莎訶 惡近那也
莎訶 婆葉薛莎訶 跋嚩拏也莎訶 琰摩也莎訶 多聞天王藥叉主
莎訶 持國天王健達婆主莎訶 增長天王俱槃茶主莎訶 廣目天王
龍主莎訶 提婆南(去聲長引下同)莎訶 那伽南莎訶 阿蘇羅南莎
訶 摩嚩多南莎訶 伽嚩茶南莎訶 健達婆南莎訶 緊捺羅南莎
訶 莫呼洛伽南莎訶 藥叉南莎訶 遏洛剎娑南莎訶 必麗多南莎
訶 必舍遮南莎訶 步多南莎訶 俱槃茶南莎訶 布單那南莎訶
羯吒布單那南莎訶 塞建陀南莎訶 唵摩陀南莎訶 車夜南莎訶
阿波三摩囉南莎訶 唵悉多[口*洛]迦南莎訶 旃陀羅蘇里耶南莎
訶 諾剎怛羅南莎訶 揭唎訶南莎訶 樹底沙南莎訶 頡利師南莎
訶 悉陀跋多南莎訶 明呪就成者莎訶 喬哩喬莎訶 健陀里喬莎
訶 尚具里喬莎訶 阿蜜里多也莎訶 瞻跋尼喬莎訶 摩登祇也莎
訶 占算致喬莎訶 達唎毘遲喬莎訶 奢跋里喬莎訶 阿闍婆膩喬
莎訶 旃茶里喬莎訶 摩登祇喬莎訶 那伽頡里陀耶也莎訶 揭嚩
茶頡里陀耶也莎訶 摩那斯喬莎訶 摩訶摩那斯喬莎訶 殺茶惡剎
利喬莎訶 摩尼跋達羅也莎訶 三曼多跋達羅也莎訶 大三曼多跋
達羅也莎訶 大波羅底薩羅也莎訶 摩訶蘇摩也莎訶 尸多畔那也

莎訶 大尸多畔那也莎訶 憚茶陀羅尼裔莎訶 大憚茶陀羅尼裔莎訶
訶 目真隣陀也莎訶 大目真隣陀也莎訶 逝延底裔莎訶 扇底裔
莎訶 阿說訖利茶也莎訶 阿鉢囉市多也莎訶 大阿鉢囉市多也莎
訶 大孔雀呪王也莎訶

「如是等大神大明呪大行大擁護者，令我某甲并諸眷屬壽命百年，消滅難事除眾惡業。所有一切蠱魅呪術、起屍惡使諸惡鬼神、求人便者行惡病者，皆得解脫無復憂苦莎訶。」

「復次阿難陀！汝當受持諸龍王名字，獲大利益。其名曰：

「佛世尊龍王、跋羅蚶(火含)摩龍王、因陀羅龍王、海龍王、海子龍王、娑揭羅龍王、娑揭羅子龍王、摩竭龍王、難陀龍王、小難陀龍王、那羅龍王、小那羅龍王、善見龍王、婆蘇枳龍王、得叉迦龍王、阿嚕拏龍王、跋嚕拏龍王、娑楞伽龍王、有吉祥龍王、吉祥胭龍王、吉祥增長龍王、吉祥賢龍王、無畏龍王、大力龍王、雜色龍王、設臘婆龍王、妙臂龍王、妙高龍王、日光龍王、月光龍王、大吼龍王、震聲龍王、雷電龍王、擊發龍王、降雨龍王、離垢龍王、無垢光龍王、頰洛迦頭龍王、跋洛迦頭龍王、馬頭龍王、牛頭龍王、鹿頭龍王、象頭龍王、濕力龍王、歡喜龍王、人聲龍王、奇妙龍王、奇妙眼龍王、奇妙軍龍王、乎魯茶龍王、南母止龍王、母止龍王、母止隣陀龍王、曷羅伐拏龍王、曷羅岌婆龍王、室哩龍王、室哩孤龍王、濫部魯龍王、有蠱龍王、無邊龍王、羯諾迦龍王、象腋龍王、黃色龍王、赤色龍王、白色龍王、[醫-西+言]羅葉龍王、螺目龍王、阿鉢邏羅龍王、黑龍王、小黑龍王、天力龍王、那羅延龍王、毛綫龍王、可畏龍王、羅刹龍王、石肩龍王、彌伽龍王、信杜龍王、縛芻龍王、私多龍王、吉祥龍王、無熱惱池龍王、善住龍王、[醫-西+言]羅跋拏龍王、持地龍王、持山龍王、持光明龍王、賢善龍王、極賢善龍王、世賢龍王、力賢龍王、寶珠龍王、珠胭龍王、二黑龍王、二青龍王、二黃龍王、二赤色龍王、二白色龍王、華鬘龍王、赤色鬘龍王、犢子龍王、賢處龍王、鼓音龍王、小鼓音龍王、菴末羅道龍王、寶子龍王、持國龍王、增長龍王、廣目龍王、多聞龍王、車面龍王、占算也迦龍王、喬答摩龍王、半遮羅龍王、五頂龍王、光明龍王、頻度龍王、小頻度龍王、阿力迦龍王、哥利迦龍王、跋里迦龍王、曠野龍王、緊折里龍王、緊折諾迦龍王、鏡面龍王、瀋博迦龍王、黑喬答彌龍王、上人龍王、人龍王、人本龍王、勝人龍王、末登伽龍王、槃荼洛迦龍王、非人龍王、鉢頭摩龍王、殊勝龍王、唵怛洛迦龍王、跋洛迦龍王、阿鹿迦龍王、[醫-西+言]羅龍王、[醫-西+言]羅百龍王、[醫-西+言]羅色龍王、金色龍王、阿羅婆羅龍王、大香龍王、末羅婆羅龍王、香色龍王、末那斯龍王、葛句吒迦龍王、劫比羅龍王、冰揭羅龍王、青黃龍

王、大山龍王、小山龍王、嗚鉢羅龍王、有爪龍王、增盛龍王、解脫龍王、有意龍王、極木叉龍王、甘跋羅龍王、阿說迦龍王、[醫-西+言]羅迷羅龍王、頰齒羅龍王、大善現龍王、擁護龍王、鉢利枳都龍王、好面龍王、出生龍王、健陀羅龍王、師子龍王、達羅彌羅龍王、一首龍王、三首龍王、多首龍王。

「如是等一百八十大龍王而為上首及餘龍輩，於此大地或時震響、或放光明、或時降雨成熟穀稼。時來見佛受三歸依并受學處，除金翅鳥怖、除火沙怖及王事怖。常持大地，住大寶宮壽命長遠，有大威勢富貴自在，大朋大屬能摧怨敵，有大神力具大光明，形色圓滿名稱周遍，天阿蘇羅共鬪戰時現大威力。彼諸龍王所有子孫、兄弟軍將大臣雜使，皆亦以孔雀呪王守護於我并諸眷屬壽命百年。然我眷屬，若身清淨若觸不淨、若迷醉不迷醉、行住坐臥睡覺去來，願皆擁護。或為天、龍、阿蘇羅、摩嚩多、揭路茶、健達婆、緊那羅、莫呼洛迦、藥叉所執，遏洛剎娑，畢麗多，畢舍遮，步多所執，俱槃茶、布單那、羯吒布單那、塞建陀、溫摩陀、車夜、阿波三摩羅、烏悉多[口*洛]迦、諾剎怛羅、黎波為如是等所執錄時，擁護我某甲并諸眷屬。

「復有諸神，食精氣者、食胎者、食血者、食肉者、食脂膏者、食髓者、食支節者、食生者、食命者、食祭者、食氣者、食香者、食鬢者、食花者、食果者、食五穀者、食火燒者、食膿者、食大便者、食小便者、食唾者、食涎者、食洩者、食殘食者、食吐者食不淨物者、食漏水者，被如是等諸惡鬼神所惱亂時，此孔雀呪王皆擁護我某甲并其眷屬令離憂苦，壽命百歲得見百秋，常受安樂。若復有人作諸蠱魅、厭禱呪術飛行空中，訖栗底、羯摩拏、哥孤、嗚柁枳刺拏、鞞多茶、頰柁鞞多茶、質者、畢麗索迦，飲他血髓變人驅役、呼召鬼神造諸惡業、惡食變吐惡影惡視、作惡書符或惡超渡，有如是等諸惡現時，皆護我某甲令離憂苦。又復所有諸驚怖事，王賊水火他兵來怖、遭饑饉怖、非時死怖、地震動怖、惡獸來怖、惡知識怖、欲死時怖，如是等怖皆護我某甲。又復諸病，疥癩瘡癬、痔漏癰疽、身皮黑澁、頭痛半痛、飲食不消、眼耳鼻舌口唇牙齒、咽胸背脅腰腹脾膈、手足支節隱密之處、心悶疝癖乾癆瘦病，遍身疾苦悉皆除殄。又復瘧病，一日二日三日四日乃，至七日半月一月，或復頻日、或復片時，或常熱病、偏邪癯病鬼神壯熱、風熱痰癆或總集病、或被鬼持或被諸毒、人及非人之所中害，如是過惡諸病生時，皆護我某甲并諸眷屬。我今為其結界結地，誦持此呪悉令安隱莎訶。

「并說頌曰：

「令我夜安隱， 晝日亦復然，
於一切時中， 諸佛常護念。」

「南謨窣覩佛陀也 南謨窣覩菩大裔 南謨窣覩毘木多也 南謨窣
覩毘木帶裔 南謨窣覩扇多也 南謨窣覩扇帶裔 南謨窣覩木多
也 南謨窣覩木帶裔 諸有清淨婆羅門，能除一切諸惡業，如是等
眾我歸禮，願擁護我并眷屬。天阿蘇羅藥叉等，來聽法者應至心，
擁護佛法使長存，各各勤行世尊教。諸有聽徒來至此，或在地上或
居空，常於人世起慈心，日夜自身依法住。願諸世界常安隱，無邊
福智益群生，所有罪業並消除，遠離眾苦歸圓寂。恒用戒香塗瑩
體，常持定服以資身，菩提妙花遍莊嚴，隨所住處常安樂。」
大孔雀呪王經卷中

「阿難陀！此孔雀呪王，是毘鉢尸如來正遍知者隨喜宣說。」即說呪曰：

「怛姪他頰喇滯羯嚩滯末睇末柁跋達泥(去)阿伐麗攝伐麗靺靺靺部靺部靺攝伐麗鉢拏攝伐靺呼主呼主呼止呼止母止母止莎訶」

「阿難陀！此大孔雀呪王，是尸棄如來正遍知者隨喜宣說。」即說呪曰：

「怛姪他一智(貞勵反，下同)蜜智 區嚩區嚩 呬里呬里 弭里弭里 雞靺慕 麗 菴末嚩菴跋羅伐底 曇薛徒曇薛 呬里呬里 古止古止 母止母止莎訶」

「阿難陀！此孔雀呪王，是毘舍浮如來正遍知者隨喜宣說。」即說呪曰：

「怛姪他 慕哩慕哩 雞伐掇 曼睇曼持掇計 喝嚩喝嚩喝嚩 揭嚩揭(去引)嚩 發嚩發嚩 發利爾 憚帝憚底爾 憚底麗 捨羯掇 莫羯掇 捺睇捺地爾 室里室里室里莎訶」

「阿難陀！此大孔雀呪王，是俱留孫如來正遍知者隨喜宣說。」即說呪曰：

「怛姪他 呬雉呬雉 矩雉怛雉靺雉頰滯 憚帝憚底里 鑠羯哩斫羯哩託揭哩 干折泥干折那伐底 伐嚩伐嚩伐嚩伐嚩 折嚩折嚩 憚帝悉地莎訶」

「阿難陀！此大孔雀呪王，是羯諾迦牟尼如來正遍知者隨喜宣說。」即說呪曰：

「怛姪他 怛怛嚩怛怛嚩怛怛嚩 怛攞都怛嚩 毘嚩毘逝曳 婢社達嚩 頰喇逝頰喇逝 毘喇逝 毘喇闍末嚩末底摩利爾 摩利爾悉地 文睇失里文睇樹(時悅反)麗樹麗樹麗樹麗 跋達羅伐底悉地莎訶」

「阿難陀！此孔雀呪王，是迦攝波如來正遍知者隨喜宣說。」即說呪曰：

「怛姪他 安達麗 般達嚩 曼達嚩 褰達麗瞻部 瞻部捺地(亭里反)瞻部伐底末帝曼治底計 菴末嚩僧祇(去)歇囉歇囉喝囉喝囉鉢戍鉢戍鉢戍鉢戍 鉢底悉地莎訶」

「阿難陀！此孔雀呪王，是我釋迦牟尼如來正遍知者隨喜宣說，為欲利益諸眾生故。」即說呪曰：

「怛姪他 呬里呬里 雞里弭里 伊里麗羯怛麗 雞靺慕麗 頰荼鉢里 鐸醯達喋(大甲)媿部路雞部索帝 捺路建睇迦(引)末爾 甘部

達[口*路]枳 但嚕但嚕伐喇爾鉢喇訖栗底 宕瑟室嚕 蜜麗但
麗 一底訶細 頰折麗 靚跋麗薄吉麗 跋揆跋揆 雞伐揆跋揆
折吒耽薛 頰茶耽薛」

「讀至此時，隨所願事咸須稱說，如前廣知。若祈雨時應云：『願
天降雨，周遍十方，普潤一切。』」

「南謨薄伽伐多 俱謨徒鐸劍跋跋靚 南謨薄伽伐多 伊哩逝裔
杜瞿呬迦裔苾陵伽哩迦裔 痾嚕止那嚕止頰喇逝謨喇市捺喇市 捺
智(貞勵)捺智捺智跋折囉捺吒跋折囉 烏陀演那必利裔 頰攞多
麗 俱攞多麗 那羅演爾波羅演爾鉢扇爾 颯鉢哩扇爾 悉旬靚達
羅 弭攞曼但羅鉢柁 莎訶」

「阿難陀！如我教，汝受持呪法，救莎底苾芻蛇毒之難。今此所說
孔雀呪王亦復如是，令一切眾生若讀誦者受持者書寫者皆得安樂，
所求遂願如前廣說，乃至自身及諸眷屬壽命百年。」

「復次阿難陀！此大孔雀呪王，是慈氏菩薩隨喜宣說饒益眾生。」
即說呪曰。

「但姪他 室哩室哩 室哩跋姪麗 樹底樹底樹底跋姪囉 喝囉喝
囉 喝囉喝利爾憚底攝伐囉 式佉(上)輸攞波膩爾 菩地菩地菩
地 菩地薩埵(丁惠)菩地鉢哩 遮哩尼裔 莎訶」

「阿難陀！此大孔雀呪王，是索訶世界主梵天王隨喜宣說。」即說
呪曰：

「但姪他 呬里呬里 弭里弭里 摩里爾傍句利 枳哩枳哩 枳哩
枳哩 枳里枳里跋羅蚶摩裔俱囉宅計宅計毘摩訶毘摩訶普細 達囉
達囉 訶囉訶囉 訶囉訶囉 普嚕普嚕 普嚕普嚕 莎訶」

「此呪能除惡毒能滅惡毒。佛力除毒、獨覺力除毒、阿羅漢力除
毒、三果四向聖力除毒、實語者力除毒，梵王杖力、帝釋金剛杵
力、吠率怒飛輪力火燒力、龍王羈索力、阿蘇羅幻力、龍王電力、
胡嚕達羅三股叉力、塞建陀掣力、大孔雀呪王力，能除一切毒令毒
入地，令我某甲及諸眷屬皆得安隱。又諸龍毒、蠱魅毒、人非人
毒、齒齧毒、雷雨毒、蛇鼠毒、蜂蠅蜈蚣蝦蟇等毒、疥癩癰疽漏瘡
諸毒、藥毒呪毒、人毒非人毒，如是等毒願皆除滅，我某甲及諸眷
屬悉除毒苦消散入地莎訶。」

「阿難陀！此大孔雀呪王，是帝釋天王隨喜宣說。」即說呪曰：

「但姪他 社攞善妬囉 摩羅善妬麗遮算底善妬麗 末炭爾伽旦爾
揭喇散爾 訶哩失哩度(亭喻)底失哩 但嚕但嚕 但嚕納伐底 呵
呵呵呵呵 僧呼姪地底 姪地底 矩魯矩嚕 吠喇逝 都吒都吒
死 伐吒伐吒死 死里死里 劫畢麗 劫畢羅慕麗 呵呬呼 薩婆
突瑟吒鉢喇突瑟吒南(引)瞻跋南 羯嚕弭 喝悉頰波柁鴛伽鉢喇丁

伽 昵揭喇訶 羯嚧弭索訶室里達世呬(上)提鞞呬 唵徵祇哩 蘇羅鉢底 跋底跋折羅跋折囉跋折囉 跋折囉鉢帶裔莎訶」

「阿難陀！此大孔雀呪王，是四天王隨喜宣說。」即說呪曰：

「樹(時悅)攞樹刺娜 答跋答跋娜 曇摩曇摩娜 薩喇薩喇拏(上) 矩擻矩擻母擻母擻 弭擻弭擻 薩囉薩囉 訶囉訶囉 怛囉怛哩 陀陀陀陀陀 婆婆婆婆 訶囉訶囉訶囉訶囉 悉地悉地悉地 悉地悉地 莎(入)悉底莎悉底莎悉底莎悉底莎悉底 我名某甲并諸眷屬」

「一切使者，琰摩使者、闍夜使者、持黑繩者、四王所罰、梵天所罰、帝釋所罰、仙人所罰、諸天所罰、龍所罰、阿蘇囉罰、摩嚧多罰、揭路茶罰、健達婆罰、緊那羅罰、莫呼洛伽罰、藥叉所罰、羅剎所罰、畢麗多罰、畢舍遮所罰、步多罰、俱槃茶罰、布單那罰、羯吒布單那罰、塞建陀罰、唵摩陀罰、車夜所罰、阿波三摩囉罰、烏悉多洛迦罰、薛多囉罰、王賊所罰、水火所罰、於一切處、所有謫罰、及輕小治罰、皆得遠離，於我某甲并諸眷屬常見擁護，壽命百歲得見百秋。」

「阿難陀！汝當受持三十五諸江河王所有名字，若識知者，於一切處所有江河淮海越渡之時無諸厄難。其名曰：

「彌伽河王、信度河王、縛芻河王、私多河王、設多杜魯河王、阿市多伐底河王、琰母那河王、句訶河王、毘怛婆河王、設多突嚧河王、毘波奢河王、[醫-西+言]羅伐底河王、旃達羅娑伽河王、薩罰莎(入)底河王、葛車比爾河王、盃瑜瑟爾河王、迦鞞哩河王、赤銅色河王、薩羅庾河王、末度末底河王、鞞怛羅伐底河王、伊芻伐底河王、瞿末底河王、折磨訥底河王、捺末陀河王、騷蜜怛攞河王、毘輪密怛羅河王、多末邏河王、半遮邏河王、蘇婆罕覩河王、答布陀河王、毘末邏河王、泥連繕那河王、呬囉若伐底河王、瞿陀伐哩河王。」

「如是等從無熱惱池出四大河流瞻部洲，及餘江河淮濟之屬諸河神王，於此大地依止而住，種種形狀種種顏色，隨樂變身成就明呪作吉凶事。斯等諸神并諸眷屬，亦皆以此大孔雀呪王擁護我某甲并諸眷屬，壽命百年離諸憂惱莎訶。」

「阿難陀！汝當受持五十二諸大山王所有名字，若識知者，或在山谷曠野之處，除諸恐怖隨意安樂。其名曰：

「妙高山王、雪山王、香醉山王、百峯山王、竭地洛迦山王、金脅山王、持光山王、尼民達羅山王、輪圍山王、大輪圍山王、因陀羅山王、梵住山王、有吉祥山王、善見山王、廣大山王、出寶山王、多蟲山王、寶頂山王、毘摩妙巧山王、出金剛山王、阿蘇羅山王、漠怒妙巧山王、電光山王、阿說他山王、月光山王、日光山王、賢

石山王、諦寶山王、妙巧峯山王、摩羅耶山王、金峯山王、頻陀山王、波離耶怛羅山王、妙臂山王、珠瓔山王、都尼柁山王、蘇師那山王、梵口山王、知淨山王、坎海山王、妙鬘山王、刀形山王、大風山王、浴林山王、明藥山王、放捨山王、獸身山王、達達山王、雞羅婆山王、雪峯山王、大天主山王、婆羅軍山王。

「如是等諸山王眾居此大地。於彼所有天、龍、阿蘇羅、摩嘍多、揭嚕茶、健達婆、緊那羅、莫呼洛伽、藥叉、羅剎、畢麗多、畢舍遮、步多、鳩槃荼、布單那、羯吒布單那、塞建陀、嚙摩柁、車夜、阿波三摩羅、烏悉多路迦，成就明呪，并諸眷屬住彼山者，彼亦以此大孔雀呪王擁護於我并諸眷屬，壽命百年除眾惡事，常覩吉祥離諸憂惱莎訶。」

「阿難陀！汝當識持有星辰天神名號。彼諸星宿有大威力，常行虛空現吉凶相，若識知者離諸憂患，亦當隨時以妙香華而為供養。其名曰：

「訖唎底迦、戶嚧呬爾、篋唎伽尸囉、頰達囉補、捺伐蘇布灑、阿失麗灑。

「此七星神住於東門，守護東方。彼亦以此大孔雀呪王常擁護我某甲并諸眷屬，壽命百年離諸憂惱。

「莫伽、前發魯窣拏、後發魯窣拏、訶悉頹質多羅、娑嚩底、毘釋珂。

「此七星神住於南門，守護南方。彼亦以此大孔雀呪王常擁護我某甲并諸眷屬，壽命百年離諸憂惱。

「阿奴囉挖跋瑟佉暮攞、前阿沙茶、後阿沙茶、阿苾哩社、室囉末拏。

「此七星神住於西門，守護西方。彼亦以此大孔雀呪王常擁護我某甲并諸眷屬，壽命百年離諸憂惱。

「但爾瑟佉、設多婢灑、前跋達羅鉢地、後跋達羅鉢柁、頡婁離伐底、阿說爾、跋[口*賴]爾。

「此七星神住於北門，守護北方。彼亦以此大孔雀呪王常擁護我某甲并諸眷屬，壽命百年離諸憂惱。」

「阿難陀！汝當憶識有九種執持天神名號。此諸天神於二十八宿巡行之時，能令晝夜時有增減，亦令世間豐儉苦樂預表其相。其名曰：

「阿姪底、蘇摩、苾栗訶、颯鉢底、束羯攞、珊尼折攞、鴛迦迦、部陀、揭邏虎雞覩。

「此九執持天神有大威力，彼亦以此大孔雀呪王常擁護我某甲并諸眷屬壽命百年。」

「星有二十八， 七各居四方，
執星復有七， 加日月成九，
總有三十七， 勇猛大威神，
出沒照世間， 示其善惡相，
與世為增減， 有勢大光明，
各以清淨心， 於此呪隨喜。」

「此等星宿皆亦以此大孔雀呪王常擁護我某甲并諸眷屬壽命百年。」

「阿難陀！汝當憶持六十八諸大仙人所有名號。此諸仙人皆持禁戒，常修苦行有大光明，或住江河山林池沼，欲作善惡呪願吉凶隨言成就，具大威力五通自在，飛行虛空無有障礙。我今說彼名字。其名曰：

「頰瑟吒(入)迦大仙、婆莫迦大仙、婆摩提婆大仙、摩唎支大仙、鉢利拏摩大仙、末建提也大仙、安隱知識大仙、婆斯瑟侘大仙、跋彌迦大仙、迦攝波大仙、老迦攝波大仙、毘栗咎大仙、鶩祇羅大仙、鶩祇洛迦大仙、鶩祇刺四大仙、有相分大仙、有慈大仙、有刺須大仙、鹿頂大仙、琰摩火大仙、洲渚大仙、黑洲渚大仙、訶利底大仙、訶利多也那大仙、甚深大仙、三忙祇羅大仙、唵揭多大仙、三沒揭多大仙、說忍大仙、名稱大仙、善名稱大仙、尊重大仙、阿說羅也那大仙、劫布得迦大仙、香山大仙、住雪山大仙、護相大仙、難住大仙、末達那大仙、設臘婆大仙、調伏大仙、尊者大仙、鸚鵡大仙、毘訶鉢底大仙、網輪大仙、珊尼折羅大仙、覺悟大仙、上具里大仙、健陀羅大仙、獨角大仙、仙角大仙、揭伽大仙、單荼也那大仙、干陀也那大仙、摩登伽大仙、可畏摩登伽大仙、喬答摩大仙、黃色大仙、白色大仙、赤馬大仙、白馬大仙、持馬大仙、妙眼大仙、朱目大仙、婆羅器擻大仙、那刺挖大仙、山居大仙、訖栗彌羅大仙。

「此等諸仙皆是古舊大仙，造四明論、善閑呪術，眾行備成自他俱利。彼亦以此大孔雀呪王擁護我某甲并諸眷屬，壽命百年離諸憂惱。」即說呪曰：

「怛姪他 訶哩訶哩 訶哩揭哩 鉢哩 呼哩弭哩 窣哩喝哩 呬里弭里 蹋普蹋普 達蹋普 揭唎散爾 末炭爾 鐸漠爾 伽旦爾 波折爾 波折爾 波怛爾 波怛爾 漠捺爾 漠捺爾 鐸訶(上)鐸訶鐸訶 達囉達囉 陀刺爾 波吒(入)爾 謨漢爾 悉耽跋爾 瞻跋爾 莎訶」

「阿難陀！汝當憶持此大地中有大毒藥名字，若有知者，不被毒藥之所中害。其名曰：

「安達羅、般達羅、羯羅茶、雞瑜攞、步登笈摩、步多鉢底、頻度鉢底、室利鉢底、帝社鉢底、帝社惡揭羅鉢底、耶舍鉢底、耶舍惡揭羅鉢底、阿羅邏怛羅邏、怛羅突怛邏、達多鐸訶、逝羅婆邏瞿魯至囉、怛妬羅、伊里枳里設擔覩羅、毘布里諾句里、雞栗比怛那伽頡栗瑟吒(上)阿沒羅末底瞻部末底、末社末底、阿末麗、毘末麗、君茶(入)麗頰雉捺雉、薄計、薄多步帝伐瑳那薛、莫訶揭囉、濫薛、覩濫薛莎訶。」

「阿難陀！此大毒藥名及藥神！亦以大孔雀呪王守護我某甲并諸眷屬壽命百年。」

「復次阿難陀！此大孔雀呪王，是七正遍知之所宣說所，謂毘鉢尸正遍知，尸棄、毘舍浮、拘留孫、羯諾迦牟尼、迦攝波，今我釋迦牟尼正遍知者亦復隨喜說此大孔雀呪王，慈氏菩薩亦復宣說，索訶世界主梵天王，天帝釋，持國天王與健達婆主二十八將，增長天王與俱槃荼主二十八將，廣目天王與龍主二十八將，多聞天王與藥叉主二十八將，皆說此大孔雀呪王。般支迦大藥叉主訶利底及五百子并諸眷屬悉皆隨喜，亦復說此大孔雀呪王。阿難陀！此大孔雀呪王，不可違越，不應輕慢。」

「若有天、龍、阿蘇羅、摩嘍多、揭路茶、健達婆、緊那羅、莫呼洛伽、藥叉、遏洛刹娑、畢麗多、畢舍遮、步多、俱槃荼、布單那、羯吒布單那、塞建陀、唵摩柁、車夜、阿波三摩羅、烏悉多路迦、諾刹怛羅、黎波此天神等，不能違越此孔雀呪王。」

「又復所有諸惡鬼神，所謂食精氣者、食胎者、食血者、食肉者、食脂膏者、食髓者、食支節者、食生者、食命者、食祭者、食氣者、食香者、食鬢者、食華者、食果者、食五穀者、食火燒者、食膿者、食大便者、食小便者、食唾者、食涎者、食洩者、食殘食者、食吐者食不淨物者、食漏水者，有如是等諸惡食者，亦不能違越此孔雀呪王。」

「又復有人作諸蠱魅、厭禱呪術飛行空中，訖栗底、羯摩拏、哥孤、唵柁枳刺拏、鞞多荼、頰柁鞞多荼、質者、畢麗索迦、飲他血髓變人驅役、呼召鬼神造諸惡業、惡食變吐惡影惡視、作惡書符或惡超渡，有如是等諸惡現時，皆護我某甲令離憂苦。又復所有諸驚怖事，王賊水火他兵來怖、遭饑饉怖、非時死怖、地震動怖、惡獸來怖、惡知識怖、欲死時怖，如是等怖皆護我某甲。又復諸病，疥癩瘡癬、痔漏癰疽、身皮黑澁、頭痛半痛、飲食不消、眼耳鼻舌口唇牙齒、咽胸背脇腰腹脾肺、手足支節隱密之處、心悶眩癯乾消瘦病，遍身疾苦悉皆除殄。又復瘡病，一日二日三日四日，乃至七日半月一日，或復頻日或復片時，或常熱病、偏邪癭病鬼神壯熱、風熱痰癢或總集病、或被鬼持或被諸毒、人及非人之所中害，如是過

惡諸病生時，若有讀誦此大孔雀呪王，不能違越所求隨願，皆護我某甲并諸眷屬。我今為其結界結地，誦持此呪悉令安隱莎訶。」

「并說此頌：

「令我夜安隱， 晝日亦復然，
於一切時中， 諸佛常護念。」

「復次阿難！陀若復有人稱此大孔雀呪王名字，擁護他人或復自護，或結索縊身上帶持，如其此人應合死罪以罰物得脫，應合被罰輕杖得脫，應合輕杖被罵得脫，應合被罵訶責得脫，應合訶責自然得脫，一切病苦悉皆消散，無敢違越。此人亦無王賊水火、惡毒刀杖之所侵害，睡覺安隱常見善夢。行住坐臥無違害事，得延壽命，除先世中作短命業及正報合受者。阿難陀！若時遭雨澇或時大旱，若讀誦此孔雀呪王，諸龍歡喜，若雨即晴若旱即雨。若有男子女人隨所願者，速得成就。阿難陀！此大孔雀呪王，但憶念時即能除滅一切恐怖疾病憂惱，何況具足讀誦受持。汝當受持此大孔雀呪王，為欲饒益守護四眾，苾芻、苾芻尼、鄔波索迦、鄔波斯迦離諸怖畏故。」復說呪曰：

「怛姪他 葉槃底 陀底 鐸割哩 覩魯魯魯 莎訶」

「貪欲瞋恚癡， 是世間三毒，
佛陀皆已斷， 實語毒消除。
貪欲瞋恚癡， 是世間三毒，
達摩皆已斷， 實語毒消滅。
貪欲瞋恚癡， 是世間三毒，
僧伽皆已斷， 實語毒消除。
一切諸世尊， 有大威神力，
羅漢具名稱， 除毒令安隱。」

爾時具壽阿難陀聞佛說已，禮佛雙足，右繞三匝辭佛而去，往莎底苾芻所。至已，便即以此孔雀呪王為彼苾芻而作擁護，結界結地攝受饒益除其苦惱。莎底苾芻身得安隱苦毒消散，從地而起，遂與具壽阿難陀俱詣佛所至禮雙足，具以上事白世尊知，在一面立。佛告阿難陀：「由是因緣，汝可以此大孔雀呪王告彼七眾，苾芻、苾芻尼、正學女、求寂男、求寂女、鄔波索迦、鄔波斯迦，國王大臣，勸一心受持讀誦令使通利，為他解說明曉其事，書寫經卷在處流通，香華飲食隨分供養，令一切眾生皆離憂苦常受安樂，得福無量難可思議。」作是語已，時阿難陀及諸大眾，天、龍、藥叉、健達

婆、阿蘇羅、摩嚩多、揭路茶、緊那羅、莫呼洛伽、人非人等，聞佛諸說，皆大歡喜信受奉行。

「天阿蘇羅藥叉等，來聽法者應至心，
擁護佛法使長存，各各勤行世尊教。
諸有聽徒來至此，或在地上或居空，
常於人世起慈心，日夜自身依法住。
願諸世界常安隱，無邊福智益群生，
所有罪業並消除，遠離眾苦歸圓寂。
恒用戒香塗瑩體，常持定服以資身，
菩提妙華遍莊嚴，隨所住處常安樂。」

佛說大孔雀呪王經卷下

次明壇場畫像法式

佛告阿難陀：「若有男子女人，情所祈願，或為大雨、或為大旱、災橫兵戈、眾病疫癘，凡是一切不如意事，欲讀誦此大孔雀呪王冀求消滅者，應如是作法。可於靜處平治地已，作小壇場，可高四五指方三四肘，或時更大。應取未墮地黃牛糞淨塗壇上。於此壇中安佛形像，面向西出。於像左邊置大孔雀王像，或塱或畫莊飾如法。或以孔雀尾三四莖豎於淨埽附上，亦以牛糞塗拭。此之三事有一皆得。以白遏迦華(此方所無，可以梨奈花等替之)，或白羯羅毘羅華(嶺南有，北地無，可以白杏奈華或蜀葵華等替之)，或以尸利沙樹華(即夜合樹是也)，或頻耒樹葉(此方亦無，可以棗桑荷葉替之)，散布壇上。先於佛前隨其所有設諸飲食種種供養。

「次於大孔雀王菩薩前安蜜水、沙糖水、牛乳及酪餅飯一盤。盡心奉獻已、手執香爐燒安悉香。東面供養，如前啟請佛及聖眾、四天王眾，一一稱名至心請召，來擁護我某甲并諸眷屬，皆得安隱壽命百年。

「次於壇東面安沙糖餅及乳粥、沙糖水、餅飯一盤，供養持國天王健達婆等神。

「次於壇南面安油麻粥并司杜水一瓶、餅飯一盤，供養增長天王俱槃荼等神。

「次於壇西面安乳粥并乳一瓶、餅飯一盤，供養廣目天王諸龍等神。

「次於壇北面安酪和飯并司杜水一瓶、餅飯一盤，供養毘沙門天王藥叉等神。然更隨時布諸花果，燒沈水香、蘇合香、熏陸香普為供養。其疫病人安佛右邊，西面而坐。呪師東面。可將孔雀羽一二莖，或以茅草拂病者身，誦前心呪二十一遍，稱病者名。日別三時

為供養已，所有供食置於水中或埋於地，勿令得食亦勿足蹈。所有壇場以泥薄拭，或以牛糞塗地。此是孔雀王呪尋常供養法式，凡有所求皆可依法作此壇場。若貧無者隨其現有而設供養。」

次明畫像法

「取新白氎。彩色和以木膠，不用皮膠，置新盞中。其畫像人當於晨朝清淨澡浴、著新衣、受八戒，然後執作佛像。應作金色，著桃華色袈裟，坐金師子座。左邊畫摩訶摩瑜利天神，赤白色，著白色裙，帔白縷絡膊，身有四臂，諸莊嚴具皆以金作，於蓮華上立或於金座上立。右邊一手持柚子，一手執蓮華。左邊一手持吉祥果(大如菰蕒，黃赤色，此方所無)，一手執孔雀尾三莖。佛菩薩中間畫金色孔雀王像，於寶裝蓮華上立，咽前以牛黃畫作萬字。於佛邊畫聖者阿難陀踰跪合掌。於此中間畫金剛手神王，右手執白拂，左手把金剛叉。於佛四邊畫種種華果供養。東邊畫毘提訶洲，形如半月，於中畫持國健達婆天王，以眾健達婆神而共圍繞。於佛南邊畫瞻部洲，其形如車，北廣南狹。於中畫俱槃荼增長天王，以眾俱槃荼神而共圍繞。於佛西邊畫瞿陀尼洲，形如滿月，於中畫廣目龍天王，以諸龍眾而共圍繞。於佛北邊畫北俱盧洲，其形正方，於中畫多聞藥叉天王，以諸藥叉神而共圍繞。既畫像已，於壇中安置，同前面向西出。可取白月一日於畫像前廣設供養，應誦心呪或誦經中餘呪。次令清淨童女綏縊，於畫像前誦呪結之作一百八結。其呪人繫白肘後，是護身法。於伴助人同斯護法。若欲作法時，皆須修習預前方便，應誦此呪滿一萬遍或十萬遍。

「南謨薄伽跋帝 阿末麗毘末麗悉地(亭夜反)我某甲并諸眷屬」

「至十五日，於畫像前取黃牛糞更作四肘方壇，於其壇上以白粳米布作四洲形勢，各於其處施設如前所陳供養。又於東方持國天王燒白膠香，南方燒紫芥子以鹽相和，西方燒蘇和安悉香，北方燒熏陸香，如前供養。於佛及摩訶摩瑜利天神前，燒眾名香，及以種種飲食種種花果廣陳供養。復以金銀銅錫及鐵打作五丸，如酸棗核，安在七重菩提葉上(若無，以桑葉替之)，安在像前。次於壇前穿地作火鑪，方一肘深一尺，於中然火令著。次以烏曇跋羅木、鉢羅奢木(此方所無，宜以桑棗木替之亦得)及牛膝草莖，三中隨一，截長五寸，破之麤如指許，須八百片。每誦呪，呪之一遍，投於火中，并蘇芥子，若於其方有尸婆鳴叫者(是野干鳴)。如前所說隨方供養之物而陳設之，及諸同伴皆不應恐怖。此則是其呪成就相。若無好相事不成者，取葉上五丸呪八百遍，即得隨願事皆成就。自取金丸置於口中，同伴人隨情與一，皆不須咽，隨處舉之。若更有餘人，可於供養食中取如酸棗許令各食之，除一切病所求隨願。更有別法，應往置死屍處或向四衢道中作前壇法，勿安畫像，但置四方天神共相擁

護。飲食供養香花等物，并燒鑪火及以呪縊。法若得成，所作隨意。夜見好夢，夢見好車及上妙牛象；或見高山果樹；或日身昇上及勝堂殿，并見父母及餘貴人；自著上衣，遇善知識；或見少女及童男童女，具妙莊嚴；得上床褥；種種花果吉祥之事；或見天神報其實語；或見乳酪種種苗稼生肉鮮魚；或見好馬及孔雀等。此即皆是吉祥之相。若異此者，即非善瑞。謂若夢見驢騾駱駝、猿猴猪犬蛇蠍猫鼠、鷓鴣鷓鴣，露形無依，及惡盤器、乾樵空舍、停屍林藪、江河涸竭、毘那也迦(是為障礙神，頭如象頭，身如人體，西方俗人皆多供養)此等皆是不吉利相。凡於一切作呪法時，應作如前擁護之法。若於一切恐怖之處、或於一切病苦之時，如前作法，所有疫病。災厄枉死皆得消散。若小兒病或被鬼持，以孔雀尾拂拭呪之，即得離苦。或以呪索繫持，皆蒙除愈。若作其餘壇場呪法事未成就，由作如是孔雀王法，所餘諸事亦皆成辦。如世尊說，假令人造五逆重罪，若能七度作此壇法，事亦得成。或令心定能除眾病。此據本意，有淨信心事皆得成，非不信者。阿難陀！更有心呪汝當受持。」呪曰：

「南謨佛陀也 南謨達摩也 南謨僧伽也 南謨金光明孔雀王 南謨摩訶摩瑜利明呪王 怛姪他 頽智(貞勵) 伐智佉(他革)計闍喇佉 計惡羯死莫羯死 一里弭麗祇麗 戶嚧臘薛 莫訶戶嚧[口*臘] 薛 步登笈謎 底冥祇西 莫訶鴛揭西莎訶」

「阿難陀！此摩訶摩瑜利心呪，是一切諸佛之所宣說，此是略法。若欲受持讀誦者，皆作如前壇場法式，有所願者皆得成就。若事不遂心者，更多誦心呪，為上供養，於畫像前誦呪坐睡。如其夢見丈夫來者，即是誦呪有驗。若見女人來者，即是所求天神哀愍，感應有此差別。若有信心欲常受持求擁護者，應當畫此摩訶摩瑜利菩薩天神，如前形像，前安孔雀，置在室中清淨之處常為供養，一切恐怖一切病苦不如意事悉皆消殄。若欲受持求成就者，當於白月一日起手作壇法，不得在夏內，法即不成。凡誦呪時可於初夜，澡浴清淨著鮮潔衣，於十方面燒香普熏，誦前經中呪或誦心呪滿七遍已，作如是語：『願薄伽伐底哀愍我故，來受香花及諸飲食，所求願者為我成辦。如前所說所有天龍八部及諸神等可界稱名，亦願來此受我香花所有飲食，成我事業。』供養了時燒香呪願：『諸來天神并眷屬等，皆願歡喜各還本處。』供養之物同前屏棄。在心常念，成就無疑。」時尊者阿難陀合掌頂受。

壇場法竟

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
